

purgetur, vel diæta remedium afferat. Cuidam mediæ ætatis nimia præcipitatione fundebantur hæmorrhoides, quum Medici & Chymici cuncta tentassent, nec succederent: jussi, ut una intacta reliquæ tangerentur colcothare, ita appellant crassamentum illud à vitrioli olei destillatione relictum, sic illico constitit malum. Hydropem ab obstructione hæmorrhoidum productum fuisse, autor est *Job. Rhodius Cent. III. obs. 5. item Frider. Lossius Lib. III. obs. med. 26.* Quod phthisin attinet refert *Amatus Lusitanus Cent. V. curatione 3.* Quibusdam qui his evacuationibus assueti fuerant, sanguinem sine tussi per os subsiliisse, desiisse autem cum hæmorrhoides essent apertæ. *Galenus* quoque *Cap. VI. de V. S. adversus Erasistratum* mentionem facit hæmoptyses & intercostalium inflammationum obortarum propter fluxum hunc cessantem. *Riedlienus obs. med. 360.* hæmoptysin, ulcus in collo, vesicæ tabem, mictionem cruentam, denique ipsam mortem ex hæmorrhoidum Suppressionione annotavit.

XIII.

Tandem egregia de salubritate hæmorrhoidum notavit *Hipp. Lib. VI. Epid. Com. 13.* & ad finem *lib. de humoribus*, ubi dicit: hæmorrhoides non solum solvere, melancholiam & renum passiones, verum etiam & pleuritidem & peripneumoniam & maniam & phagædenica ulcera, furunculos, vitiligines, denique omnia, quæ habent melancholicum humorem permixtum. In dictis enim morbis & inflammationibus ut plurimum peccat sanguis crassus, serum glutinosum, quò evacuato ab atrocitate sua remittunt dicti affectus. Ulcera fistulo-